

麗水縣志

卷
七六

麗水縣志卷六

古蹟

池館之廢興等諸煙雲之變滅曾為賢者所經則壞垣廢圃相與慕思之范石湖之亭號鶯花楊嘉言之樓名煙雨至今登臨訪古猶興敬仰之思古蹟留傳由來尚矣今以舊志所記載者著之此外坊表之建即古表宅里樹風聲之義存者圯者並附於篇

麗水縣故城 在今城西三十五里資福村唐初置縣於此今其地有古城岡縣頭山舊城塘諸名

舊州治 在小栝蒼山

(案)方輿紀要謂舊城在府東南七里栝蒼山名勝志謂東南七里栝蒼山正在

麗水縣志

卷六

古蹟

麗水啓明印刷所代印

其處非城中之小栝山也今考栝蒼山在縉雲界府城東南初無是山二書皆傳聞之誤 (山樓志)楊億至道中知處州與李起居書郡齋迴在霄漢石磴盤曲策馬征登嵐靄滴衣烟霞滿目 (楊億與章廷評書)郡齋岑寂宛在深山獄訟甚稀賦輸易辦引領西目羣峯倚天清溪南奔淺深見底人家櫛次多在嵐煙中修竹喬林宛如圖畫

凝香廊 在舊州治

燕喜堂 在舊州治

志喜堂 在舊州治

月臺 在舊州治

(宋)喻良能舊州治記(臺舊名拜香天王居其前石僧在其側山之翠微近在杖席

凝霜閣 在月臺東郡守楊億建

(趙)離詩(修竹蕭蕭三兩竿公餘時得靜中看何須更避人

問暑滿腹冰
霜六月寒

好溪堂 在凝霜閣下郡守徐度建范成大書榜

烟雨樓 郡守楊嘉言建范成大書榜舊址久委榛蕪清道光
十八年崇福寺僧達眞因一覽亭架樓其上學使羅文俊重
署榜焉登覽之勝水色山光在人襟袖晚烟宿雨如遊畫圖
中柳州所謂以極萬類攬不盈掌者也咸豐十一年燬於寇
同治十三年春浙江巡撫楊昌濬按兵來括謂浙中烟雨樓
有二不可聽其久圯捐百金倡建屬官皆踴躍爭輸樓以落

成遂復舊觀

(喻良能記)由凝霜下行至好溪堂軒楹開豁棟宇宏麗層級三休至烟雨樓凭欄四顧目與天

遠下觀千井提封隆樓傑閣綠牕朱牖掩映於晴霏夕靄丹青水墨之所不能畫令人目眩心憚徘徊而不忍去 (錢竚詩)人在神仙碧玉壺樓高壯麗壁城隅風雲出沒有時有烟雨空濛無日無但得綠樽閒對酌何須紅袖醉相扶郭熙去後丹青絕曠作新詩當畫圖 (趙離詩)畫棟飛雲暮靄寒樓臺城郭有無問烟收雨霽曾看否見盡東南萬疊山 (鄭俠詩)仙人居處即

麗水縣志

卷六

古蹟

二

麗水啓明印刷所代印

鼇宮更作層樓峭倚空羣岫遠來烟漠漠大江南去雨濛濛花
鏤柳策熙怡裏耘笠漁蓑笑語中別有夜楹千里月凭欄清興
與誰同 (陳瓘詩)樓登百尺踞峯巔碑訪鷗波得意筌綠野一
犁春夜雨白雲滿郭午吹烟梵鐘聲遠飛山外松竹香清落儿
前萬象空明歸眼底豪懷合向酒杯傳 (光緒壬辰春調任杭府
煙雨樓話別詩)秀削芙蓉矗碧空看山自笑太匆匆僧樓細雨
樽中酒驛路春風柳外驄話到鶯花人已老詩成
雲樹夢相通凭欄何日同高嘯且覓西湖舊釣翁

浙東道院

在好溪堂右

(喻良能記)簾影無塵草色映階
闌然蕭然不知其爲公宇也

洄溪閣

在舊州治堂西舊名松聲閣

少微閣

在舊州治後廳西郡守關景暉建米芾書榜

(錢竚詩)
少微閣

應少微星點點雲間分外明過雨曉來添練水好山晴後見蓮
城昔年人物不常有近世英豪多間生顧我把麾慚坐隱落霞
孤鷺看

題名

拂雲亭

在少微閣下郡守錢竚建

轉物庵 在拂雲亭後

照水堂 在少微閣西郡守李堯俞建米芾書榜（蘇舜欽記）栝蒼郡署冠前

山之椒林壑蔽翳咸平初楊文公起凝霜閣下覽平曠得遙岑遠林之賞當時固以為佳處矣景祐中孫公元規移守此郡衆務畢舉乃歷訪雄勝之地以圖燕休又得西北隅絕巘之巔去叢穢豁見異境溪山之勢奔放盆來始規地命名詔徙他郡後更三守泯然不尋李君然明之來刷剔隱滯網條一新吏民曉然踰年甚便然後思有以自適且將留風迹以遺後人景與意并正獲元規之地遂構廣廈有長溪者源自閩來趨過檻下因以照水題之前對南明山三平之舊隱也蒼翠古剝陰晴隱見又於東南創月軒稍却為燕閣閣之右又為風亭亭前為啓軒曰夕霏是皆輔於照水而發於新意也華棖鬆楯下上相煥易去藁葬與政俱新蓋基於元規成於然明予慨然東望神爽坐馳恨不能劇飲酣歌俯仰周覽於其上或能圖以為貺尚可更發詠歌以足其未至者慶歷八年八月八日記（喻良能記）有四松高出於簷楯外如商山老人衣冠偉甚微風過之如海潮聲真人世之絕境宇宙之奇觀也（許尹詩）清溪自古流溪深不見底日照鱗甲生風行穀紋起我雖仙都游不唾仙都地

麗水縣志

卷六

古蹟

三

麗水啓明印刷所代印

但欲向滄浪中流杭一葦

夕霏軒 在照水堂之偏郡守李堯俞建壁間刻名賢法書如

蘭亭叙黃庭經樂毅論之屬（案）明一統志云夕霏亭在府治宋建吳說書榜疑軒亭字誤

擬滁亭 在照水堂前郡守蘇易簡建下瞰清流環望皆山故

名（喻良能記）規模雖小意趣絕遠南明諸峯相距無一里琵琶捍撥橫陳洲渚漁舟賈櫂出沒烟波款乃之聲不絕於

耳（高似孫詩）此作州居最茶能代夕杯山爭重疊秀林摺兩三迴石骨深連樹巖腰略見梅少留原自好莫受暝烟催

翔峯閣 在舊州治郡守孔元忠建（葉適詩）九盤在州中萬丈

未為褊日光既熙麗風日亦清展悠然不離席所得甚宏闡隱峯招伏岫勝躍俱赴眼下視田中禾藁粒猶可見臨觀要親切亦復貴眇緬峽山絲綫窄嶽極瀛海眩君看齊雲上往往無際限何當躡蓬萊一汎五湖淺

博古堂 在舊州治宋別駕石某建（張擴詩）古人嗜書書不足家貧無錢就市讀今人收

書墳屋紅牙垂籤手未觸別駕平生師古人傳癖書淫九經
籬盧全撐腸五千卷鄴侯插架三萬軸河東安世工補亡伏日
郝隆更矐腹近者聞說新堂成芭蕉急雨作
秋聲請君掃榻近燈火莫歌長檠歌短檠

香風樓 在舊州治東清香橋上下多蓮花故名

西亭 在舊州治西楊億建

(楊億西亭卽事詩)郡齋退食復何為縱目西亭景物奇疊翠雨餘泉

眼出澄潭風靜釣絲垂城臨古戍寒蕪闊路轉荒村野徑危幾
處唱歌聞白苧誰家沽酒見青旗蝶隨游騎穿花徑犬吠行人
隔槿籬桃李成蹊春盡後魚鹽爲市日中時桑麻萬頃時氛散
絲竹千門戶照移吟際嶺雲飛冉冉望中隴麥秀離離烟迷喬
木鶯遷早水滿芳塘鷺下遲車蓋
翻然肯相顧主人終宴豈知疲

惠風堂 在舊州治後廳黃葆光建內有烟雲洞

抱節庵 在惠風堂環植巨竹故名

南園 在舊州治南據名勝志則唐時已有之矣

(陸游詩)安用移封向酒泉

麗水縣志

卷六

古蹟

四

麗水啓明印刷所代印

醉鄉只擬乞南園更添小閣臨灘石一洗人間歌吹喧春來歸
路閱三州是處跣趺懶出游一到南園便忘返亭邊綠浸琵琶
洲曉鶯催繫柳邊舟巷陌東風拂面柔客裏又驚春事晚夢中
重續括蒼游歡情飲量年年減古寺名園處處留却羨少年輕
歲月角聲如此不知愁南游雲海歎茫茫又泛歸舟到括蒼城
郭淒涼歎遼鶴鬢毛蕭颯點吳霜醪醑可把春無幾絃索初陳
燕未央樓下清溪三百里溪流不似客愁長

酒稅署 在姜山前卽宋秦觀謫監酒稅處

(劉廷璣詩)地僻官間亦可休更承風

旨苦吹求兒曹積毀能銷骨誤了東坡又少游(端木百祿詩)
一徑入松林松花墮如雨古木葱蘢中有宋權酒所緬昔秦少
游謫監村市酤藤陰夢何短風月莽誰主遙遙八百年鷺花渺
今古祇餘酒瓶在膨脝出黃土(案)縣治之西姜山之南向有
淮海祠故址今誤稱
其地爲槐花樹下

蓮城堂 在南園郡守范成大建

點易亭 在南園通判司馬伋建

鶯花亭 在南園郡守范成大建

(秦觀千秋歲詞)柳邊沙外城郭輕寒退花影亂鶯聲碎飄

零疎酒盞離別寬衣帶人不見碧雲暮合空相對憶昔西池會
鵷鷺同飛蓋攜手處今誰在日邊清夢斷鏡裏朱顏改春去也
落紅萬點愁如海 (好事近詞)山路雨添花花動一城春色行
到小溪深處有黃鸝千百飛雲當面化龍蛇天矯挂空碧醉臥

古藤陰下杳不知南北 (范成大鶯花亭詩並序)秦少游柳邊
沙外之詞蓋在栝蒼監征時所作余至郡徐子禮提舉按部來

過勸予作小亭記少游舊事又取詞中語名之曰鶯花賦詩六
絕而去明年亭成次韻記之灘長石出水鳴隄城郭西頭舊小

溪游子斷魂招不得秋來春草更萋萋愁邊逢酒却成憎衣帶
寬來不自勝烟水蒼茫沙外路東風何處挂枯藤墟下三年世

路窮蟻封盤馬竟難工千山雖隔日邊夢猶到平陽池館中文
章光燄照金閨豈是遭逢乏聖時縱有百身那可贖琳瑯空有

萬篇垂山碧叢叢四打圍煩將舊恨訪黃鸝纈林霜後黃鸝少
須是愁紅萬點時古藤陰下醉中休誰與低眉唱此愁團扇他

年書好句平生知己識儋州 (陸游詩)沙外春風柳十圍綠陰
依舊著黃鸝故應留與行人恨不見秦郎半醉時 (江濤和放)

(翁詩)春雨溪頭長柳圍游仙枕上賦黃鸝誰知醉臥古籐下却
是浮生夢覺時 (王尚廣詩)春風楊柳綠盈隄為訪黃鸝到小

麗水縣志

卷六

古蹟

五

麗水啓明印刷所代印

溪游子昔年餘韻杳荒烟霧草萋萋詞人何事每招憎回首
蓬萊意不勝酒盞飄零疎舊雨徘徊問倚一枝籐取醉墟頭不
算窮鶯花遣興句尤工山城也比西池好酒雙柑鼓吹中離
樽共飲倚香閨羅帶輕分解棹時空對碧雲人不見滿襟應有
淚痕垂城郭輕寒人柳圍秦郎此處賦黃鸝而今依舊黃鸝好
不見秦郎醉臥時名賢高躅一時休亭外鶯花似海愁千古詞
人知己少令人能不憶儋州

柳邊亭 在舊州治西南里許

(案)秦觀千秋歲詞有柳邊沙外之句後人因以名亭耳名勝志

以為少游所建蓋臆測之詞也

雙清閣 在僉判廳舊名盡心閣郡守錢竚改名之龕郡治十

二詠於壁

(案)十二詠今失考

見山樓 在通判廳通判董居誼建樓下植梅百本

(董居誼九月梅花詩)

手植寒梅度一春主人指日是行人孤根耐久不忘舊疎蕊逢
秋已獻新堪笑世情何恁薄不知花意却相親年年記取栽培

力爲送幽香入夢頻（樂繼宗詩）憑闌一望三百里頓
豁病眸如酒醒浮雲不動暮天闊秀色入戶羣山青

風月堂 在通判廳宋通判黃瑛建

舫齋 在推官廳宋推官王孝嚴建

眺閣 在推官宅

溪雨亭 在縣東二十里靈鷲山宋郡守劉涇建

（劉涇詩）塵土孤城空自忙

不知精舍早秋涼林間曲折磬三里天上金光月滿堂淨飯打
魚剗老木寒灰添火熬名香鵝鳩山脚溪聲好流人人間雨意
長

思賢亭 在洞溪唐郡守李敬仲嘗燕憩於此後人就其地建

亭焉

（王十朋詩）段公不到溪豈好李守已亡詩更奇我向思
賢亭上坐愛山兼愛昔人詩（案）括蒼彙紀有敬仲洞溪

十詠係僞作
辨見雜記

麗水縣志

卷六

古蹟

六

麗水啓明印刷所代印

披雲亭 在望京門外

知津亭 在南明門外大溪南宋郡守范成大建

應星樓 在府學東南宋郡守王庭芝建城內水南流者出其

下有開禧三年碑葉宗魯撰何澹書

（案）碑云昔隋處士星見
因置處州兩浙金石志

云處士名州之說僅見此碑猶婺之
應婺女台之應三台分野之末論也

樓舊無存清光緒二十

七年郡守趙亮熙就遺址重建嗣被迭次水冲又將就圯今

由邑紳孫壽芝譚騏等請款重修

好溪樓 在城東舊名濟遠宋郡守趙善杠重修

文英閣 在樟山下舊執禮坊宋隱士毛氏故居紹聖間秦觀

監酒稅嘗與毛游此閣

（秦觀詩）醉頭春酒響潺潺盧下黃翁
寢正安夢人平陽舊池館隔花螭口

吐春
寒

山堂 在圍山宋王信別業

鎮東樓 在巖泉門右跨城為之元達魯花赤幹勒好古築城

時所建城內水東流者出其下清康熙初壞於水乾隆十八

年知府駱大鵬重建咸豐十一年燬於寇同治六年知府清

安重建形勢高壯稱鉅觀焉（伊湯安詩）一麾出守竟何營憑眺無端感晴生吏果循良終化

俗民多椎魯但知耕天開曉霽山當面日落炊烟樹滿城嚮義自來生瘠土從令試聽管絃聲 民國七年春

霽雨兼旬城傾石陷流幾塞樓將不支知事涂貢琳就地集

資重修乃復舊觀

巽峯閣 在東南城上中奉朱子像元達魯花赤幹勒好古築

麗水縣志

卷六

古蹟

七

麗水啓明印刷所代印

城時所建舊面南清道光二十五年知縣張銑易而面北同

治四年知府清安復易而面南前為講武場犀甲霜戈以時

習肄大溪自西東去樹影灘聲發皇耳目亦登覽之勝也（陳）

（春九日巽峯閣卽事詩）傑閣凌虛結構牢羣公相約此題餠衣冠共仰前型在組練欣看列陣豪秋氣西來楓葉冷大江東去

浪花高抽帆便擬航甌 清光緒七年知府蕭書重修
海回鵲山頭倒濁醪

懸藜閣 在姜山元東嘉高則誠撰琵琶記院本處（董游詩）先

生瞻雅才 遊戲役簡牘度詞寫幽意暖律吹窮谷曾聞倚聲時坐擁雙華

燭竇燄忽交花四照散清馥至性神鬼感矧彼蚩蚩俗莊語世

所憎微言轉可覺厥體雖俳諧用意良深篤豈伊闕王流導淫
弛檢束古閣號懸藜當年此編綠衰草冪寒烟何處尋遺躅簫
管滿山城正
唱中郎曲

菜窩 在城東明劉彬故宅

（劉基菜窩說并序）菜窩者宗姪彬之所以名其居室也彬字宗文少

好學有識而未用其居在處州府城之東門每求予爲文而恆
弗得暇今予來京師而彬亦以儒士貢爲工部主事因戲作
菜窩說且以勉而進之云爾濠眉公謂東門子賸以枳林緯以
門也井地十畝旣夷旣壤俯濠爲溝依城爲墉藩以稗虻不能
藥場是蓋比如束鍼鏃若攢槍蛇蝎不能耕之以藝稗黍不能
爲之穴隙也何不墾之以泉流以養鰲與魚乎徒何爲乎築
陋室於其中擊糞土以爲壁茨以腐茅蠓蝸是宅藉以瓦礫羊
蹄豕跡與黼鼠爲主客平明出門不羸不驢以爲儒坐
人之廬呼朋命徒左躡右趨無用之空言強相名而爲儒坐
視殷賑之腴索爲蓬蒿之區不亦悲乎吾聞燕秦棗栗穰橙鄧
橘李梨菓鬱秦杏周漆柿柰楔琬容琰質椅桐栝柏堅績有
瑟桂菽莢椒吐芳馥秘木瓜楹棹諸蕘葛芻蕭遠條可蜂以
茁或庸其材或以其實或黃如赤如日翹蕭遠條可蜂以
蜜克勤厥營苟獲其一富擬封君受天之秩范子所至穿池種
魚史傳貨殖盛稱陶朱八口之家五畝之宅墻下栽桑足以衣
帛今子不士不農不商不工綴籍州庠口體不充人皆子嗤子
曷不憐東門子賸聽之愀然思之杳然瞿然而作再拜而作立
稷黍乎則古人一夫受田百畝而有知焉請以復於公吾將以藝

麗水縣志

卷六

古蹟

八

麗水啓明印刷所代印

羨不過二十之一不能以不飢也抑將以種樹乎則近者非四
三年不成人不知遠者又幾年乎不可以懸吾釜而俟爨也抑且
爲池以待汲也今當種菜而鬻焉尚庶幾哉可也夫菜也者采
也君子之所采也哉謂之蔬焉蔬也者疏也食梁肉者之所疏
也君子所采而食梁肉者疏之庶幾或者可以裕我矣乎乃往
訪於溪南之圃人得膏土沃泉之術蒐四鄙之菜類其族而種
之買牛牯一犍二鑿其萊蕪芟去奧歲拔其荻阜翳籜而炮
之穿井於其四隅建桔槔焉澗水有池洩水有渠或培或滋或
叢或奇灌漑攸宜或耘或耔稠比稀慈釋舉肥根莖實黃各
隨其時羅之離離檻之菲菲未泱旬日而東門氏之童色澤如
也貌憚如也窺其園則鬱芊芊入其門則盎然春溫有酒盈
樽他日犁眉公過焉東門子賸御諸門而公笑曰子亦足於
斯而已乎東門子賸再拜謝曰吾願見公而有陳焉久矣請坐
於吾廬而爲公言之可乎公曰吾願也東門子賸曰公能悉識
吾菜乎公曰未也請之園而吾曰始吾之不營是園也漠乎
其無思也今吾之旣營是園也惟其所以壯吾址而厚吾生則
非一日也天地久其旣道而萬物生聖人久其德而庶功成士農
工商久其業而百務貞故植之韭以葵葵者揆也揆得其道則視
生也致久必慎其揆故植之葵葵者揆也揆得其道則視明

而聽聰故植之以葱聰達則得算多故植之以蒜蒜算也算不
失家必豐故植之以豐豐則彊矣故植之以薑薑彊也物大彊
則過剛過則折君子戒焉故植之以芥芥者戒也戒事者思
必苦思苦則毒故植之以茶茶毒罹於中而用力勤故植之以
芹勤極則病故植之以蒲蒲痛也病之劇也病劇必弱故植之
以荏荏柔而弱也弱則微矣故植之以薇薇肝瘍也肝微則羸
其行故植之以蔓蔓者僕也愈病必以其養而後蘇故植之以
病不可失其養故植之以芑芑必慎以保其養而後蘇故植之
蘇蘇則起矣故植之以芑起必慎以保其養而後蘇故植之以
護也護不違乎道則難舒而福生焉故植之以芷芷者祉也引
祉莫大乎育德故植之以蓄蓄必有濟故植之以薏薏者高也
濟自近而之遠自卑底高也故植之以薏薏者高也高極必窮
故植之以芑窮慮窮者必早計故植之以薊薊者計也吾朝而
游焉觀其萃萃菁菁可以悅吾目而暢吾情夕而游焉擷其芳
而茹其英可以旨吾腹而曼吾齡又可以究吾知而通物理安
得不悠然而永懷怡然而自善哉夫吾廬窩也不足以延長者
而長者肯臨焉不可以不志請名之曰菜窩願公為吾誌之犁
眉公大悅遂族其菜酌其酒書其言而去（又菜窩遣興詩）歲
暮寒氣冽今晨頗和緩登高眺原陸陡覺生意滿日色照地黃
牆影看漸短草抽識土膏魚出知泉煖吾生亦天物安得不樂

麗水縣志

卷六

古蹟

九

麗水啓明印刷所代印

衍且復擷其蔬獨酌慰衰晚（案）宋濂為彬作抱甕子傳謂
彬於少微山趾為蔬園蓋彬嘗寓少微非其本居也

溪南草堂

在城外溪南明葉叔安故宅

（劉基溪南草堂即事詩）溪上草堂盈十尋

疎楊密竹各成陰綠烟繞舍桑畦靜白水當門稻遂深過雨忽
翻金碧影涼蛸亂發管絃音此時不省愁何在坐到鴉棲月滿
林（又浣溪沙詞）細草垂楊村巷幽白沙素石引溪流青苔磯
上有扁舟門外好山開罨畫屋頭新月學簾鉤窗風一榻似清
秋

卻金館

在劉山明溫州守何文淵卻金處清康熙二十九年

知府劉廷璣重建

（章綸記）太子太保吏部尚書廣昌何公宣
德中守溫以朝覲至京道經括蒼馮公嶺

夜宿逆旅永嘉縣丞于建遣其子問道懷金贈公公笑而却之
過客聞之遂書却金館三字於壁有司於其地創造亭館立坊
道左自此騷人墨客咸形之聲詩至今五十年坊額朽腐溫州
府三山頂公澄乃捐金復葺之而屬綸為記然此特公之一節
其政之設施則又有歷歷可徵者焉（潘潤記）予少時讀西山
律已箴知廉為士節而未知其難能也比登仕籍察諸人勵諸

己始知其不易也丙戌承乏栝郡過淮陽謁南屏高先生曰昔廣昌何公守溫有惠政持己甚廉去之日無以爲行費永嘉丞于建遣其子率五邑之民釀金若干鎰追至栝之俞嶺固贈之公不顧而去民以其金建亭于其地扁曰却金溫先哲少宗伯章公嘗表其事於石矣近年當道謂此不足尙易扁仆碑此何爲者哉今子蒞栝請復置之以厲類風比予戾止而大歎民困未幾寇作閱二年政稍通乃檢郡志得章公之文市石刻之復舊扁於亭以表高公好古之誼并以媿世之矯情者若夫起頑立懦在人自處何如耳（溫純記）丙戌夏余巡海上過東甌曾一走公祠比抵栝憩公館下裴徊不忍去館稍稍就圯而規制陋分守與備兵使者暨栝蒼守麗水令俱公里人謀所以新之余曰是吏治所繇汚隆也余實尸之矣詎必里人哉斥羨金佐其費令恢其制以示崇重訖工前爲大門門內爲廳事廳事之後爲堂附於堂者爲碑亭翼於左右者爲廂房計廊而增於舊者十之四楹而增於舊者十之五計崇庠則聳而增於舊者十之三輪奐美備過者不啻奉公之儀形而色動心怵矣（皇）（甫沅詩）茲山有崇構本自薄黃金荒草空成昔清風猶在今鋤揮曾不顧裘敝亦何心願得無相贈逃名寄已深（侯一元詩）幾度經孤館悠悠感四知白蘋祇自潔青簡至今垂澤國餘鴻雁高林多暮鳴何由挽孤竹風徧八方吹（顧大典詩）華館抗

麗水縣志

卷六

古蹟

十

麗水啓明印刷所代印

崇林清風振古今高人敦素節雅志薄黃金嶺鎖秋雲冷亭虛夜月侵宦游當此地俯仰意何深（許國忠詩）岩嶢嶺數登臨廉吏曾聞此却金孤館無塵遺素節層臺有客寄高吟青山不改當年色明月常懸去後心我亦勉爲清白吏更從何處覓音知

綠波亭 在栝蒼門外

（栝蒼彙紀）後爲清波亭（明一統志）在濟川門外一名如錦亭（案）門無濟川

蓋因濟川橋在是而誤故曹掄彬濟川橋記云北亭名綠波也

得月亭 在清香橋北明嘉靖二十四年知府李冕建

（皇甫沅詩）清溪

一何湛源深白雲曲望舒忽東升浮光漸西陸蕪址非舊存芳亭又新築碎壁時復沈散金如可掬雖乏謝監踪聊寄庾公矚誰謂曠音塵古來共幽獨

洞天樓 在南園之南登萬象山者率取道於此

德星里 宋鄒應龍故宅

（案）應龍邵武人官至資政殿學士贈少保見史傳其成進士出麗水葉挺

之門又娶挺
女遂徙家焉

盧鏜故宅

在北隅澄西舖

(李遇孫海氛不靖過盧鏜故宅有感詩) 楚國巫臣敝匈奴衛律謀天

原高北極海自沸西頭一笑長鯨剪多年狡兔休經過仰華屋太息想殊猷

續蒙勳故宅

在東隅倉後舖

(李遇孫詩) 武略遐陬著丹心故國長闔門存正氣九死報先皇

勁草孤忠在荒苔碧血涼幽潛誰與闡霜露薦羶鄉

李敬仲宅

通志引名勝志在麗水縣好溪唐貞元中郡守李敬仲愛其林壑之勝築室為棲隱之地而居之官滿舍

為寺 (案) 舊志以敬仲洞溪十詠係偽作遂併宅亦削而不書今從處州府志補載

坊表

郡邑之有坊表即古表宅里樹風聲之義也名山勝蹟因地而建豐功偉烈碩望巍科因人而傳與夫樂善好施完貞全

麗水縣志

卷六

坊表

十一

麗水啓明印刷所代印

節懿行在望亦可淬勵百世過其地者未有不流連敬慕觀

感係之故存者圮者並著於篇

處州府麗水縣 迎恩 敷愛二坊在官亭左右 樹德在

釋山前 畫錦為員外郎俞英 世祥為進士俞俊 青雲

為舉人葉坤 世科為舉人陳張 豸繡為御史俞俊 登

雲為舉人陳儀 步蟾為舉人李敦 桂林紹芳為舉人項

廷蓋並項孔昌 尚書為刑部尚書薛希璉 光顯為贈知

縣葉二豹 黃榜傳芳 青雲接武為進士張敦仁張敦復

社積 父訓為僉事李瑾 清朝侍御盛世聯魁為光

祿寺卿王一中 探花為吳公達 一品勳階 三朝恩寵

爲都督牛桓 海內元勳 江南名將爲都督盧鏜 狀元
爲蔡仲龍 繡豸爲御史劉芳 尙書爲工部尙書盧勳
天垣都諫爲吏科都給事項應祥 賢哲繼登 西臺雙鳳
爲御史黃中樊獻科 中原麟鳳爲吳孔性戴濂葉以蕃
三俊登升爲何鏜樊獻科張 復 登瀛爲舉人謝宏 奎
璧聯輝爲舉人李廷元何鏜 會魁文宗爲廉憲何鏜 清
簡爲閻邱昕 占鰲爲舉人李椿 祖父儒臣 兄弟進士
爲張甯張欽張敦仁張敦復 德式鄉閭 芳垂俎豆爲贈
太常少卿遂昌項森 聯步天衢爲舉人吳世輔黃九鼎項
應祥 京省同登萬歷壬午爲葉志淑季韶朱景和姚文溫

麗水縣志

卷六

坊表

十二

麗水啓明印刷所代印

卒黃爲嘉靖壬子舉人鄭浙李鎌陳瀾鄭文茂高岡陳明

卒黃疑
是輩黃

賢科繼盛爲乙酉王應宣戊子項應瑞黃國廉丁

如臯辛卯樊國宗 奎光甲第傳芳 父子進士爲金忠金

祺 兄弟進士爲金文金忠 繡衣爲御史鄭宣 連捷爲

進士吳榮 司諫爲給事葉良 雲龍際會 帝師 王佐

並爲劉文成 賢節爲誠意伯劉洪妻太夫人李氏 栝蒼

文獻爲進士吳公達 紀綱重地察院前 栝州首治麗水

縣前 壯猷 干城衛左右 屏翰 激揚道左右 承流

宣化府治左右 濟川寶筏利往亨濟川橋南北埠頭

栝甌通津下河官埠

節孝爲何學濂妻方氏

清道光十年
旌表建坊

樂善好施爲湯中明

中明捐田五十六畝作爲西鄉士子省
試川資名曰蔚西賓興清光緒十六年

旌一案蔚西賓興今
作西鄉區教育費

樂善好施爲葉瑞榮

瑞榮字庭蕃職貢生存心慈祥遇地方
公益善舉事無不率先贊助當創設西

鄉保嬰堂及同仁義塾并捐助田產作基本金又修雲和石塘
嶺清光緒十九年建坊旌表按同仁義塾今改爲西鄉區立第

一初級
小學

節孝爲曾守身妻程氏

清光緒二十年
旌事實見列女

貞烈爲魏人壽未婚妻江氏

清光緒十八年
旌事實見列女

褒忠旌節爲呂停雲暨妻魏氏

清光緒三十一年旌
事實見人物及列女

節孝爲呂得科妻許氏

清光緒三十一年
旌事實見列女

麗水縣志

卷六

坊表

十三

麗水啓明印刷所代印

節孝爲浙江撫標中軍參將沈壯愍公榮海長子咸豐戊午

科武舉人殿麟妻潘氏

清光緒二
十年旌

冢墓

仁賢故宅百世而下過者式焉矧體魄所藏而不加之封植

乎黻禁著於周官義冢其遺意也輒類次之云

梁詹司馬墓 在縣西南三十里卽始開通濟渠者

案司馬不
知爲何地

人并佚其名觀宋關景暉詹南
二司馬廟碑則彼時已無考矣

唐司馬陳松墓 在縣西南三十二里琅其山下以軍功授司

馬乾符二年卒

吳越太尉章德安祖墓 在縣西南三十二里沙溪吳村德安

家於此故先塋在焉

宋郡守劉大中墓 在縣北白雲山紹興七年守處州卒遂葬焉

宋孝子周智墓 在縣學東（案）今縣學為宋州學明一統志及

代語耳

宋贈太師何偁墓 在縣西五十五里堰山神道碑尚存（案）偁

龍泉

人為太傅執中之孫參政澹之父碑稱其數御史尹穡罪至欲請尚方劍斷姦臣頭蓋超其家風者也以宋史無傳特附表之

碑文見續括蒼金石志

宋給事中王信墓 在縣南五十五里十九都平地墓誌尚存

番陽洪邁撰文妻郭碩人墓誌永嘉戴溪撰文俱詳括蒼金

麗水縣志

卷六

冢墓

十四

麗水啓明印刷所代印

石志

宋轉運副使葉宏墓 在大杉源山

宋道士章思廉墓 在少微山紫虛觀後

宋少師梁汝嘉墓 在十八都石侯村（案）周必大梁公神道碑云汝嘉葬於松陽惠洽

鄉茲從括蒼彙紀

宋參政何澹墓 在縣西五十里保定鳳凰山（案）澹龍泉人見宋史砌通濟堰

石壩及撥保定洪塘均見水利

元教授鄭謹之墓 在縣治西姜山

元處士祝子和墓 在縣東二十里靈鷲山墓誌尚存見金石

志

元處士葉元灝墓 在喜康鄉上黃

元處士黃許墓 在葉術

元處士趙友桂墓 在南明山西

元孝子祝大昌墓 在縣北十五里武村蓮花墳

明縉雲伯胡深墓

在縣西五里石獅術

(案)深龍泉人征陳友定死於福建明史有

傳

明南陽郡侯葉琛墓 在縣西四十里高溪源黃壇嶺

明刑部尚書吳公達墓 在縣西北三里三巖寺右

明禮部侍郎吳政墓 在縣東十五里望城嶺下集禧觀右

明刑部尚書薛希璉墓 在縣北七里今呼薛墳崗

明按察司僉事金愷墓 在縣東九里子知府文御史忠忠子

知府祺並同域

明南工部尚書俞俊墓 在縣南五里巾山

明參議鄭宣墓 在望城嶺

明福建副使汪瑛墓 在漕塘

明通判高岡墓 在巾山左

明榮府審理正戴鏜墓 在麗陽原子進士濂祔

明知州葉曾墓 在巖泉門外五里

明太僕少卿張敦仁墓 在三都五鳳樓

明刑部主事張敦復墓 在小栝蒼山麓

明雲南參政何鏗墓 在喜康鄉武山

明總兵盧鏗墓 在白雲山趾

明太常卿呂邦耀墓 在蘇宅園

明贈太僕少卿王敦儀墓 在縣北壽元山下

明南光祿寺卿王一中墓 在壽元山下三公路

明參將續蒙勳墓 在巖泉門外黑橋莊子漕運都司孔教祔

清處士錢錕墓 在望京門外白雲山岡

清武義教諭徐望璋墓 在巖泉門外楓樹崗

清府經歷方溥墓 在行春門外弓岸 (案)溥江西人咸豐間任處州府經歷老成持重

性廉介屢攝邑篆不名一錢十一年粵匪陷松遂知府李希郊戰敗不屈死溥聞為位以哭人勸出城避寇笑曰避將何之遂

麗水縣志

卷六

冢墓

十六

麗水啓明印刷所代印

整衣冠縊於萬壽宮嗚呼從容就義可謂烈丈夫矣邑志例不得立傳附書於此以誌嚮往云 (案)邑紳王宗訓楊世環吳德

馨王如辰王庭芝等於寶興項下稟撥祭田土名附一巖泉門外三角地田四坵額三畝五分 一行春門外火零壇地一畝

清知縣吳爾慶墓 在巖泉門外堰古張孺人祔 (鄭以德吳公祭田記)邑侯

吳公諱爾慶號吉雲安徽桐城人咸豐己未捧檄來括括自戊午陷賊瘡痍滿野公下車休養生息以愛人為務民感戴之庚申賊竄省垣郡城戒嚴捐餉辦團令甚迫公軫念民艱不忍厚斂忤當事意遂解任明年賊踞處郡挈眷避青田之九都又明年賊退公歸時疫大作公與夫人少君相繼病少君死夫人又死病益劇遂不起邑紳葛縉王國秀為之經紀其喪國秀復慨助葬地殯公與夫人於東門堰古之原事竣諸同人曰吳公賢候也遭時之難賈志以終不釀金為掃墓計越數年必蕪沒於空山矣議未行適邑有私售寶興田者事覺贖回因具稟於府尊撥若干畝為公祭田蒙批如議行乃集同人輪值經理司其事者予與諸葛縉王經趙克儉王宗誥許一鈞王宗訓王國秀也祭田土名附一溪渡西坑橋頭田三坵額三畝又馬光

橋上屋後田一坵額六分 一黃毛莊尤君
殿前北坵邊凸頭田一坵計額一畝八分

清進士麗水知縣宦懋和墓 在縣東二十里楓樹岡

義冢 一在縣東北五里守嘉熙四年州守馬光祖置 一在

縣東北五里堰古明成化十二年知府韓裴置 一在縣北

四里天甯寺西嘉靖四十三年知府張大韶置 一在縣北

十五里望城嶺下嘉靖二十三年知縣吳梓置 一在縣北

五里郡厲壇側嘉靖四十四年教授陳曾置

(案)以上五處彙紀屬之漏澤園

別標義冢之目考宋崇甯中令州縣以常平錢置漏澤園葬死而無歸者實即今義冢也故不立二名云 一在巖

泉門外 一在縣西三十里資福於廣袤五里始置之年俱

無考 一在城東十五里上岡背清道光二年知縣田瑞庭

麗水縣志

卷六

冢墓

十七

麗水啓明印刷所代印

置 一在城東十五里望城嶺道光初署知府鄧廷彩置

有知

府李蔭圻記 一在縣西南五里呂步坑酸梅岡廣十畝道光十九

年里人姚學成置 一在縣西二十里下堰同治五年知府

清安勒碑永禁墾種 一在通惠門外西山土名八繳地廣

三畝六年知縣劉錫彤置

附 瘞骨塔 一在縣東巖泉門外邑人黃庭經項之梁鄒汝

琛李聯芳等捐造 一在縣西四十里碧湖里人林永年捐

造

